

Prentsaurrekoa

Biktimekiko Elkartasunerako VIII. Jardunaldiak Konprometitzen gaituzten testigantzak

Bakearen aldeko Koordinakundearen jarduera nagusienetako bat Biktimekiko Elkartasunerako Jardunaldiak dira. Aurtengoa, Jardunaldion zortzigarren ekitaldia izango da. Honela, zera nabarmendu nahi dugu: indarkeriari zilegitasuna kentzeko bultzatu nahi dugun prozesuan, biktimei elkartasuna emateak, biktimak aitortzeak eta biktimak gogoan edukitzeak duela lehentasuna.

Jardunaldion bitartez, gure izenean gauzatzen den indarkeriaren erasoak zuzenean jasan izan duten edo jasaten diharduten gizon eta emakumeak agertzera eman nahi ditugu. Horregatik, beste behin ere, lekua egin nahi diegu beren testigantzei, biktimen bizipenak entzutea beraien errealitatera hurbiltzeko biderik egokiena dela uste dugulako.

Jardunaldiok, gizarte osoak biktimekin dugun betebeharrari ere erantzuten diote, beraiei zuzendutako erasoak gu guztioi egiten diguten erasoak delako. Hala ere, oraindik ere kasu askotan, gizartearen erantzuna hotza da eta, ondorioz, justiziaz merezi duten laguntasuna eta beraiek ere kide sentitu ziren gizartearenganako konfiantza berreskuratzeko aukera ukatzen zaie biktimei.

Gure gizartean terrorismoak irautearen ondorioz maltzurrenetakoa, hainbesteko bidegabekeriak eragiten duen samina aitortzeko eta geure egiteko dugun ezgaitasuna da. Gure ustez, gure auzokide askok bizi duen zoritxarraren eragile diren axolagabekeria eta sentimenduen ideologizazioa hondatze ideologiko ulergaitza dira eta ez genduz horrelakorik onartu behar. Gaur egungo bizimoduak ez digu geure emozioak adierazten uzten, baina ETak eta honen erasoak legitimatzen dituztenek ezartzen diguten indarkeriak interpelatu egiten gaitu eta, horregatik, konpromiso eta elkartasunerako dugun gaitasuna gauzatu egin behar dugu. Geure giza duintasuna dago jokoan.

Indarkeriaren biktima zuzenen testigantzak entzuteak sentikortasunik ezari eta axolagabekeriari aurre egiteko aukera ematen digu. Kontakizun hauek entzuteak, beharbada beste uneren batean anestesiatuta edo ezkutatuta eduki genituen emozioak eragiten ditu nahitaez. Biktimekiko enpatiazko sentimendu berri horiek konprometitzen gaituzte beraiekin eta gure gizartearen geroarekin.

Honela, biktimekin beren gomuta konpartitzeak uste sendo bat berresten du guregan: indarkeriaren zoritxarrak guztiongan eragiten duela, horixe delarik, hain zuzen ere, darabilenaren borondatea eta, gainera, horien etengabeko esku-sartze zuzen edo zeharkakorik gabe bizikide izateko eskubidea dugula.

Honela, biktimen testigantzek ezinbestekoa den egitekoan konprometitzen gaituzte: indarkeriari zilegitasuna kendu. Konpromiso honek izan behar du, gurea bezalako gizarte anitzean dauden bidezko alde ideologikoen gainetik, gizartearen gehiengoak onartzen duen funtsezko elementu.

**COORDINADORA GESTO POR LA PAZ DE EUSKAL HERRIA
EUSKAL HERRIKO BAKEAREN ALDEKO KOORDINAKUNDEA**

Indarkeriaren bukaera ETaren ardura da. Horregatik, lehentasuna da ETari eta berau babesten dutenei indarkeriari uko egitea exijitzea. Biktimen memoriaren aurrean berritutako gizartearen konpromisoak, alde batetik, indarkeria zuritzen dutenen argumentuak deuseztatzea ahalbideratzen du eta, bestetik, uste sendo batean berrestea: ez dela ordain politikorik eman behar indarkeria uzteagatik.

Jardunaldi hauetan bizirik atera ziren biktimen, asasinatutako pertsonen senideen eta mehatxatuta bizi direnen testigantzak entzungo ditugu. Jazarpen indarkeriaren biktimek aparteko protagonismoa izango dute, nahitaezkoa delako ETaren mehatxuak milaka hiritarren bizitza larriki hondatzen diharduela agertzera ematea. Gainera, egun bakoitzean, biktimek eta mehatxupean bizi direnek bizi dituzten prozesuei buruzko gogoeta kualifikatua entzun ahal izango dugu.

Aurten, Bakearen aldeko Koordinakundeak Biktimekiko Elkartasunerako Jardunaldien esperientzia Euskal Autonomia Erkidegoko hiru hiriburuetara eraman nahi izan du. Egun hauetan ospatuko dira Jardunaldiak:

- ekainaren 9an, asteartez, Donostiako 'Koldo Mitxelena' aretoan,
 - ekainaren 10ean, asteazkenez, Bilboko 'Nervión' Hotelean eta
 - ekainaren 11n, ostegunez, Vitoria-Gasteizko 'Ignacio Aldecoa' aretoan.
- Jardunaldiak, hiru egunetan, arratsaldeko 7,00etan hasiko dira.

Eskerrak ematen dizkiegu alde zurretik beren testigantzak kontatuko dizkigutenei, jakin badakigulako beraientzat nekeza delako esperientzia eta bizipen hain pertsonal eta mingarriak jendaurrean, gu guztiokin, gogoratzea eta konpartitzea.

Gainera, aurreko ekitaldietan egin dugun bezala, Jardunaldiotako testigantzok 'Bake Hitzak' gure aldizkarian argitaratuko ditugu, ahalik eta jende gehiengana irits daitezten.

Dei egiten diegu biktimen errealitatea ezagutu eta aitortu nahi duten guztiei, egunotan jardunaldietara etor daitezten, biktimen bizipenekin bat egin eta beraien ahotsa, biktima bakoitzaren ahotsa entzun dezaten. Honela biktimekiko eta gure gizartearen geroarekiko konpromisoa berrituko dugu.

EUSKAL HERRIKO BAKEAREN ALDEKO KOORDINAKUNDEA
06 de junio de 2009

